

Գրանցված է

Հայաստանի Հանրապետության  
Կենտրոնական բանկում  
Նախագահ՝ Արթուր Զավադյան

«09» նոյեմբեր 2011թ.

## «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

### Փոփոխություններ և լրացումներ

### Կենտրոնացված ռեեստրի վարման և պահառության կանոնակարգում

1. «Կենտրոնացված ռեեստրի վարման և պահառության կանոնակարգ»-ի 1-ին գլխի 1.3.14. կետը շարադրել հետևյալ նոր խմբագրությամբ.  
**«1.3.14. «Էլեկտրոնային ձևով փոխանցում».** որևէ իրավասու էլեկտրոնային հասցեից Դեպոզիտարիայի կանոններով թույլատրված փաստաթղթերի և դրանց կից կամ այլ հանձնարարագրերի, հանձնարարականների և (հարցումների) փոխանցում Դեպոզիտարիայի իրավասու էլեկտրոնային հասցեին:»:
2. «Կենտրոնացված ռեեստրի վարման և պահառության կանոնակարգ»-ի 1-ին գլխի 1.3.42. կետից հետո լրացնել նոր «1.3.43.» և «1.3.44.» կետեր հետևյալ բովանդակությամբ.  
**1.3.43.«արտաբորսայական շուկա».** կարգավորվող շուկայից դուրս իրականացվող

գործարքների շուկա:

**1.3.44.«դրամի առևտրային հաշիվ».** ՀՀ կենտրոնական բանկում Դեպոզիտարիայի անունով բացված դրամի հաշիվ:»:

3. «Կենտրոնացված ռեեստրի վարման և պահառության կանոնակարգ»-ի 14-րդ գլխից հետո լրացնել նոր «Գլուխ 14՝.» հետևյալ բովանդակությամբ.

**«Գլուխ 14՝. Արտաբորսայական շուկայում «Առաքում վճարման դիմաց» սկզբունքով արժեթղթերի փոխանցման վերաբերյալ ռեեստրում գրառում կատարելու կանոնները.**

14՝.1. Սույն գլխով նախատեսված ծառայությունը (այսուհետ սույն գլխում՝ Ծառայություն) մատուցվում է ինչպես գրանցված սեփականատերերին (անվանատերերին), այնպես էլ թողարկողներին: Ծառայությունը չի մատուցվում օտարերկրյա անվանատերերին: Ծառայության իմաստով արժեթղթերի փոխանցման վերաբերյալ ռեեստրում գրառման կատարում է համարվում Դեպոզիտարիայում բացված թողարկողի, գրանցված սեփականատիրոջ (անվանատիրոջ) անձնական հաշիվներում արժեթղթերի փոխանցման, հետզնման կամ ձեռքբերման արդյունքում ռեեստրում գրառման կատարումը:

14՝.2.Ծառայությունից օգտվելու համար Դեպոզիտարիա են ներկայացվում հետևյալ փաստաթղթերը և տեղեկությունները (Դեպոզիտարիայում դրանց բացակայության կամ փոփոխության անհրաժեշտության դեպքում).

14՝.2.1.Համապատասխան գրավոր դիմում ուղղված Դեպոզիտարիայի գործադիր մարմնի ղեկավարին՝ նշելով Ծառայությունից օգտվելու ցանկության մասին,

14՝.2.2.Տեղեկություններ դիմողի կապի միջոցների (այդ թվում հեռախոսի), էլեկտրոնային հասցեի, ինչպես նաև իրավասու էլեկտրոնային հասցեի մասին (վերջինիս առկայության դեպքում).

14՝.2.3. Տեղեկություններ դրամի հաշվի մասին՝ բանկի անվանումը, հաշվի համարը.

14՝.2.3.1.Արժեթղթեր ստացողի (այսուհետ սույն գլխում՝ Ստացող) դեպքում դա այն հաշվի համարն է, որտեղից պետք է գումար փոխանցվի Դեպոզիտարիայի ՀՀ Կենտրոնական բանկում բացված դրամի առևտրային հաշվին,

14՝.2.3.2.Արժեթղթեր փոխանցողի դեպքում (այսուհետ սույն գլխում՝ Փոխանցող) դա այն հաշվի համարն է, որին Դեպոզիտարիայի ՀՀ Կենտրոնական բանկում բացված դրամի առևտրային հաշվից պետք է գումար փոխանցվի «Առաքում վճարման դիմաց» սկզբունքով արժեթղթերի փոխանցման գրառում կատարելու դեպքում,

14՝.2.3.3. Սույն գլխի 14՝.2.3. կետում նշված հաշիվը օգտագործվում

է նաև այն դեպքում, երբ Ծառայության մատուցման համար սույն գլխով սահմանված դեպքերում «Առաքում վճարման դիմաց» սկզբունքով արժեթղթերի փոխանցման գրառում չի կատարվում ռեեստրում: Տվյալ դեպքում վճարված գումարի մի մասը Դեպոզիտարիայի «Սակագների մասին կանոններ»-ով սահմանված լինելու դեպքում հետ է վերադարձվում սույն կետում նշված հաշվին:

14'.2.4. Տեղեկություն Դեպոզիտարիայում բացված արժեթղթերի անձնական հաշվի համարի մասին:

14'.3. Սույն գլխի 14'.2.2., 14'.2.3. և 14'.2.4. կետերով սահմանված տեղեկությունները ներկայացվում կամ փոփոխվում են (անհրաժեշտության դեպքում) սույն կանոնակարգով սահմանված անձնական հաշվի բացման (անձնական հաշվում տվյալների փոփոխության) համապատասխան հանձնարարագիր ներկայացնելու միջոցով:

14'.4. Սույն գլխի 14'.2. կետով սահմանված համապատասխան փաստաթղթերը և/կամ հանձնարարագիրը էլեկտրոնային ձևով Դեպոզիտարիա փոխանցելու կամ թղթային եղանակով ներկայացնելու օրը Դեպոզիտարիան Ստացողին և Փոխանցողին համապատասխանաբար էլեկտրոնային կամ թղթային եղանակով տրամադրում է տեղեկություններ Դեպոզիտարիայի կապի միջոցների, էլեկտրոնային հասցեի, ՀՀ Կենտրոնական բանկի ՍԻ ԲԻ Էյ Նեթ ցանցում գրանցված իր իրավասու էլեկտրոնային հասցեի և ՀՀ Կենտրոնական բանկում բացված Դեպոզիտարիայի դրամի առևտրային հաշվի համարի մասին:

14'.5. Սույն գլխի 14'.3. կետում նշված հանձնարարագրի հիման վրա Դեպոզիտարիայի կողմից համապատասխան գործառնության գրանցման պահից, «Առաքում վճարման դիմաց» սկզբունքով արժեթղթերի փոխանցման նպատակով Փոխանցողը ՀՀ կենտրոնական բանկի էլեկտրոնային վճարումների համակարգի միջոցով Դեպոզիտարիա է ներկայացնում ՀՏ 599 հանձնարարականը, ինչպես նաև թղթային կամ էլեկտրոնային ձևով Դեպոզիտարիա է փոխանցում/ներկայացնում Դեպոզիտարիայի «Սակագների մասին կանոններ»-ով սահմանված համապատասխան վճարման կատարումը հավաստող փաստաթուղթը (էլեկտրոնային ձևով փոխանցման դեպքում՝ դրա տեսածրած (սքան) տարբերակը) կամ համապատասխան երաշխիքներ սկսած տվյալ աշխատանքային օրվա ժամը 9:30-ից մինչև տվյալ աշխատանքային օրվա ժամը 15:00-ն: ՀՀ կենտրոնական բանկի էլեկտրոնային վճարումների համակարգի միջոցով ՀՏ 599 հանձնարարականի ներկայացման անհնարինության դեպքում Փոխանցողը սույն կետում նշված հանձնարարականի փոխարեն ներկայացնում է սույն կանոնակարգի Հավելված 10-ով սահմանված՝ Արժեթղթերի փոխանցման/ստացման հանձնարարական (Ձև ԱՎԴ) սույն գլխի 14'.2.2. կետում նշված իրավասու էլեկտրոնային հասցեից: Ընդ որում Արժեթղթերի փոխանցման/ստացման հանձնարարականի (Ձև ԱՎԴ)

էլեկտրոնային ձևով փոխանցման դեպքում նշված հանձնարարականի «Ստորագրություն» և «Ստորագրությունը վավերացված է» մասերը չեն լրացվում: Սույն կետում նշված ՀՏ 599 հանձնարարականում լրացվում են հետևյալ տեղեկությունները ըստ նշված հաջորդականության.

- 14'.5.1. «Փոխանցող» բառը նույնությամբ լրացվում է 21-րդ (հղում) դաշտում,
- 14'.5.2. Արժեթղթերի տարբերակիչ ծածկագիրը, իսկ դրա բացակայության դեպքում արժեթղթերի թողարկողի անվանումը և արժեթղթերի դասը/տեսակը՝ 79-րդ (նկարագրություն) դաշտում,
- 14'.5.3. Արժեթղթերի քանակը՝ թվերով՝ 79-րդ (նկարագրություն) դաշտում,
- 14'.5.4. Փոխանցողի արժեթղթերի՝ Դեպոզիտարիայում բացված հաշվի համարը՝ 79-րդ (նկարագրություն) դաշտում,
- 14'.5.6. Ստացողի արժեթղթերի՝ Դեպոզիտարիայում բացված հաշվի համարը՝ 79-րդ (նկարագրություն) դաշտում,
- 14'.5.7. Գործարքի գումարը՝ արտահայտված ՀՀ դրամով, թվերով՝ 79-րդ (նկարագրություն) դաշտում:

14'.6. Սույն գլխի 14'.3. կետում նշված հանձնարարագրի հիման վրա Դեպոզիտարիայի կողմից համապատասխան գործառնության գրանցման պահից, «Առաքում վճարման դիմաց» սկզբունքով արժեթղթերի ստացման նպատակով Ստացողը ՀՀ կենտրոնական բանկի էլեկտրոնային վճարումների համակարգի միջոցով ներկայացնում է ՀՏ 599 հանձնարարականը, «Առաքում վճարման դիմաց» սկզբունքով արժեթղթերի ստացման դիմաց նախատեսված գումարը Դեպոզիտարիայի դրամի առևտրային հաշվին փոխանցելու համար՝ ՀՏ 100 հանձնարարականը (որի կատարման դեպքում կատարումը հաստատող համապատասխան հաղորդագրությունն անմիջապես ներկայացվում է Դեպոզիտարիա), ինչպես նաև թղթային կամ էլեկտրոնային ձևով Դեպոզիտարիա է փոխանցում/ներկայացնում Դեպոզիտարիայի «Սակագների մասին կանոններ»-ով սահմանված համապատասխան վճարման կատարումը հավաստող փաստաթուղթը (էլեկտրոնային ձևով փոխանցման դեպքում՝ դրա տեսածրած (սքան) տարբերակը) կամ համապատասխան երաշխիքներ սկսած տվյալ աշխատանքային օրվա ժամը 9:30-ից մինչև տվյալ աշխատանքային օրվա ժամը 15:00-ն: ՀՀ կենտրոնական բանկի էլեկտրոնային վճարումների համակարգի միջոցով ՀՏ 599 հանձնարարականի ներկայացման անհնարինության դեպքում Ստացողը դրա փոխարեն ներկայացնում է սույն կանոնակարգի Հավելված 10-ով սահմանված՝ Արժեթղթերի փոխանցման/ստացման հանձնարարական (Ձև ԱՎԴ) սույն գլխի 14'.2.2. կետում նշված իրավասու էլեկտրոնային հասցեից: Ընդ որում Արժեթղթերի փոխանցման/ստացման հանձնարարականի (Ձև ԱՎԴ) էլեկտրոնային ձևով փոխանցման դեպքում նշված հանձնարարականի «Ստորագրություն» և «Ստորագրությունը վավերացված է» մասերը չեն լրացվում: Սույն կետում նշված

ՀՏ 100 հանձնարարականը պետք է ներկայացվի սույն գլխի 14'.2.3. կետով սահմանված հաշվից և ՀՏ 100 հանձնարարականի նպատակ դաշտի առաջին երեք նիշում պետք է լրացված լինի DVP տառերը: Այլ հաշվից գումարի ներկայացման կամ նպատակ դաշտի առաջին երեք նիշում DVP տառերի բացակայության դեպքում Դեպոզիտարիան մերժում է ՀՏ 100 հանձնարարականի ընդունումը և տվյալ գումարը հետ է փոխանցում նույն հաշվին, եթե Դեպոզիտարիայի այլ կանոններով տվյալ հաշվից փոխանցված գումարի օգտագործման համար այլ դրույթներ սահմանված չեն: Սույն կետում նշված ՀՏ 599 հանձնարարականում լրացվում է հետևյալ տեղեկությունները ըստ նշված հաջորդականության.

- 14'.6.1.«Ստացող» բառը նույնությամբ լրացվում է 21-րդ (հղում) դաշտում,
- 14'.6.2.Արժեթղթերի տարբերակիչ ծածկագիրը, իսկ դրա բացակայության դեպքում արժեթղթերի թողարկողի անվանումը և արժեթղթերի դասը/տեսակը՝ 79-րդ (նկարագրություն) դաշտում,
- 14'.6.3.Արժեթղթերի քանակը՝ թվերով՝ 79-րդ (նկարագրություն) դաշտում,
- 14'.6.4.Փոխանցողի արժեթղթերի՝ Դեպոզիտարիայում բացված հաշվի համարը՝ 79-րդ (նկարագրություն) դաշտում,
- 14'.6.5.Ստացողի արժեթղթերի՝ Դեպոզիտարիայում բացված հաշվի համարը՝ 79-րդ (նկարագրություն) դաշտում,
- 14'.6.6.Գործարքի գումարը՝ արտահայտված ՀՀ դրամով, թվերով՝ 79-րդ (նկարագրություն) դաշտում:

14'.7. Դեպոզիտարիան, սույն գլխի 14'.5. կետով սահմանված՝ Փոխանցողի կողմից ներկայացված ՀՏ 599 հանձնարարականը (կամ Արժեթղթերի փոխանցման/ստացման հանձնարարականը) ըստ ստացման հաջորդականության ստանալու պահից 10 րոպեի ընթացքում համեմատում է իր մոտ գրանցված տեղեկությունների հետ, եթե Դեպոզիտարիան հավաստիացել է Փոխանցողի կողմից Դեպոզիտարիայի «Սակագների մասին կանոններ»-ով սահմանված վճարի վճարման կատարման կամ համապատասխան երաշխիքների առկայության մասին: Եթե Դեպոզիտարիան չի հավաստիանում Փոխանցողի կողմից Դեպոզիտարիայի «Սակագների մասին կանոններ»-ով սահմանված վճարի վճարման կատարման կամ համապատասխան երաշխիքների առկայության մասին, ապա Փոխանցողի կողմից ներկայացված հանձնարարականը չի համարվում ընդունված և այդ մասին Փոխանցողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագրություն ուղարկելու միջոցով ծանուցում է Փոխանցողին, ինչը համարվում է պատշաճ ծանուցում: Սույն կետով սահմանված համեմատության արդյունքում, եթե.

- 14'.7.1. տեղեկությունները համընկնում են և Փոխանցողը սույն գլխի 14'.5. սահմանված հանձնարարականը ներկայացրել է Դեպոզիտարիա նախքան

Ստացողի կողմից սույն գլխի 14'.6. կետով սահմանված բոլոր հանձնարարականները Դեպոզիտարիա ներկայացնելը, ապա Դեպոզիտարիան ներկայացված հանձնարարականը համարում է համադրման ենթակա և արգելադրում է Փոխանցողի կողմից ներկայացված հանձնարարականում նշված քանակի արժեթղթերը,

14'.7.2. տեղեկությունները չեն համընկնում կամ չեն պահպանվել Դեպոզիտարիայի կանոններով սահմանված այլ համապատասխան պահանջները, ապա Դեպոզիտարիան մերժում է ներկայացված հանձնարարականի ընդունումը և այդ մասին 10 րոպեի ընթացքում Փոխանցողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագություն ուղարկելու միջոցով ծանուցում է Փոխանցողին, ինչը համարվում է պատշաճ ծանուցում: Փոխանցողը իրավունք ունի ներկայացնել նոր՝ ճշգրտված հանձնարարական (ՀՏ 599 հանձնարարական կամ Արժեթղթերի փոխանցման/ստացման հանձնարարական (Ձև ԱՎԴ)) մինչև տվյալ աշխատանքային օրվա ժամը 15:00-ն:

14'.8. Դեպոզիտարիան, Ստացողի կողմից ներկայացված հանձնարարականները ըստ ստացման հաջորդականության և դրանց ստանալու պահից 10 րոպեի ընթացքում, կատարում է հետևյալ գործողությունները.

14'.8.1. ՀՏ 599 հանձնարարականը (կամ Արժեթղթերի փոխանցման/ստացման հանձնարարականը) համեմատում է իր մոտ գրանցված տեղեկությունների հետ, եթե Դեպոզիտարիան հավաստիացել է Ստացողի կողմից Դեպոզիտարիայի «Սակագների մասին կանոններ»-ով սահմանված վճարի վճարման կատարման կամ համապատասխան երաշխիքների առկայության մասին: Եթե Դեպոզիտարիան չի հավաստիանում Ստացողի կողմից Դեպոզիտարիայի «Սակագների մասին կանոններ»-ով սահմանված վճարի վճարման կատարման կամ համապատասխան երաշխիքների առկայության մասին, ապա Ստացողի կողմից ներկայացված հանձնարարականը չի համարվում ընդունված և այդ մասին Ստացողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագություն ուղարկելու միջոցով ծանուցում է Ստացողին, ինչը համարվում է պատշաճ ծանուցում: Սույն կետով սահմանված համեմատության արդյունքում, եթե.

14'.8.1.1. տեղեկությունները չեն համընկնում կամ չեն պահպանվել Դեպոզիտարիայի կանոններով սահմանված այլ համապատասխան պահանջները, ապա Դեպոզիտարիան մերժում է ներկայացված հանձնարարականի ընդունումը և այդ մասին 10 րոպեի ընթացքում Ստացողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագություն

ուղարկելու միջոցով ծանուցում է Ստացողին, ինչը համարվում է պատշաճ ծանուցում: Ստացողը իրավունք ունի ներկայացնել նոր՝ ճշգրտված հանձնարարական (<S 599 հանձնարարական կամ Արժեթղթերի փոխանցման/ստացման հանձնարարական (Ձև ԱՎԴ)) մինչև տվյալ աշխատանքային օրվա ժամը 15:00-ն:

14'.8.1.2. տեղեկությունները համընկնում են, ապա Դեպոզիտարիան ներկայացված հանձնարարականը համարում է համադրման ենթակա:

14'.8.2. <S 100 հանձնարարականը համեմատում է իր մոտ գրանցված տեղեկությունների հետ: Եթե չեն պահպանվել սույն 14'.6. կետով սահմանված համապատասխան պահանջները, ապա Դեպոզիտարիան մերժում է <S 100 հանձնարարականի ընդունումը և գումարը հետ է փոխանցում նույն հաշվին: Անհամապատասխանությունների բացակայության դեպքում Դեպոզիտարիան <S 100 հանձնարարականը համարում է համադրման ենթակա:

14'.9. Այն դեպքում, երբ Դեպոզիտարիա են ներկայացվել սույն գլխի 14'.5. և 14'.6. կետերով սահմանված բոլոր հանձնարարականները և սույն գլխի 14'.7. և 14'.8. կետերով սահմանված դեպքերում հանձնարարականները համարվել են ընդունված, համեմատման արդյունքում տեղեկությունները համընկնում են Դեպոզիտարիայում գրանցված տեղեկությունների հետ և համադրման ենթական են, ապա Դեպոզիտարիան ժամանակի առումով վերջինը ներկայացված հանձնարարականի համադրման ենթակա համարելուց հետո 10 րոպեի ընթացքում համադրում և ստուգում է.

14'.9.1. սույն գլխի 14'.5. և 14'.6. կետերով սահմանված և Դեպոզիտարիա ներկայացված <S 599 հանձնարարական(ներ)ում և/կամ Արժեթղթերի փոխանցման/ստացման հանձնարարական(ներ)ում (Ձև ԱՎԴ) ներառված հետևյալ տեղեկությունների համընկնումը միմյանց հետ.

- 14'.9.1.1. Արժեթղթի տարբերակիչ ծածկագիրը (առկայության դեպքում),
- 14'.9.1.2. Արժեթղթերի թողարկողի անվանումը (լրացված է լինում արժեթղթի տարբերակիչ ծածկագրի բացակայության դեպքում),
- 14'.9.1.3. Արժեթղթերի դասը/տեսակը (լրացված է լինում արժեթղթի տարբերակիչ ծածկագրի բացակայության դեպքում),
- 14'.9.1.4. Արժեթղթերի քանակը (թվերով),
- 14'.9.1.5. Փոխանցողի արժեթղթերի՝ Դեպոզիտարիայում բացված հաշվի համարը,
- 14'.9.1.6. Ստացողի արժեթղթերի՝ Դեպոզիտարիայում բացված հաշվի համարը,
- 14'.9.1.7. Գործարքի գումարը արտահայտված << դրամով (թվերով) և

14'.9.2. ՀՏ 100 հանձնարարականում նշված գումարի չափի և սույն գլխի 14'.9.1.7. կետով սահմանված տեղեկության համընկնումը:

14'.10. Սույն գլխի 14'.9.1. կետով սահմանված համադրման և տեղեկությունների չհամընկնման դեպքում Դեպոզիտարիան մերժում է հանձնարարականների կատարումը և այդ մասին ծանուցում է Փոխանցողի և Ստացողի էլեկտրոնային հասցեներին (իրավասու էլեկտրոնային հասցեին՝ առկայության դեպքում) համապատասխան հաղորդագություն ուղարկելու միջոցով, ինչը համարվում է պատշաճ ծանուցում: Նոր՝ ճշգրտված հանձնարարականները (ՀՏ 599 հանձնարարական կամ Արժեթղթերի փոխանցման/ստացման հանձնարարական (Ձև ԱՎԴ)) ներկայացվում են սույն գլխով սահմանված կարգով և ժամկետներում: Եթե նոր՝ ճշգրտված հանձնարարականների ներկայացումից հետո դրանցում ներառված տեղեկությունները չեն համընկել սույն գլխով սահմանված համեմատումների կամ համադրման (ստուգումների) արդյունքում տվյալ աշխատանքային օրվա ժամը 15:00-ից հետո, ապա Դեպոզիտարիան մերժում է ներկայացված բոլոր հանձնարարականների կատարումը, տվյալ աշխատանքային օրը «Առաքում վճարման դիմաց» սկզբունքով արժեթղթերի փոխանցման գրառում չի կատարում ռեեստրում, Դեպոզիտարիայի դրամի առևտրային հաշվին փոխանցված գումարը (առկայության դեպքում) հետ է փոխանցում նույն հաշվին և այդ մասին ծանուցում է Փոխանցողի և Ստացողի էլեկտրոնային հասցեներին (իրավասու էլեկտրոնային հասցեին՝ առկայության դեպքում) համապատասխան հաղորդագություն ուղարկելու միջոցով, ինչը համարվում է պատշաճ ծանուցում:

14'.11. Սույն գլխի 14'.9.2. կետով սահմանված համադրման և տեղեկությունների չհամընկնման դեպքում Դեպոզիտարիան մերժում է ՀՏ 100 հանձնարարականը՝ գումարը հետ է փոխանցում նույն հաշվին և այդ մասին Ստացողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագություն ուղարկելու միջոցով ծանուցում է Ստացողին: Նոր՝ ճշգրտված ՀՏ 100 հանձնարարականը ներկայացվում է սույն գլխով սահմանված կարգով և ժամկետներում: Եթե նոր՝ ճշգրտված ՀՏ 100 հանձնարարականի ներկայացումից հետո դրանում ներառված տեղեկությունները չեն համընկել սույն գլխով սահմանված համեմատումների կամ համադրման (ստուգումների) արդյունքում տվյալ աշխատանքային օրվա ժամը 15:00-ից հետո, ապա Դեպոզիտարիան մերժում է ներկայացված բոլոր հանձնարարականների կատարումը, տվյալ աշխատանքային օրը «Առաքում վճարման դիմաց» սկզբունքով արժեթղթերի փոխանցման գրառում չի կատարում ռեեստրում, Դեպոզիտարիայի դրամի առևտրային հաշվին փոխանցված գումարը հետ է փոխանցում նույն հաշվին և այդ մասին ծանուցում է Փոխանցողի և Ստացողի էլեկտրոնային հասցեներին (իրավասու էլեկտրոնային հասցեին՝ առկայության դեպքում) համապատասխան հաղորդագություն ուղարկելու միջոցով, ինչը

համարվում է պատշաճ ծանուցում:

14'.12. Սույն գլխի 14'.9. կետով սահմանված համադրման (ստուգման) և տեղեկությունների համընկնման դեպքում, համընկնումից հետո 20 րոպեի ընթացքում Դեպոզիտարիան իրականացնում է վերջնահաշվարկ հետևյալ քայլերով.

14'.12.1. Դեպոզիտարիան իր դրամի առևտրային հաշվին փոխանցված գումարը փոխանցում է Փոխանցողի կողմից Դեպոզիտարիա սույն գլխի 14'.2.3. կետով ներկայացված տեղեկություններում նշված դրամի հաշվին: << կենտրոնական բանկի էլեկտրոնային վճարումների համակարգի միջոցով մինչև տվյալ օրվա ժամը 15:45-ը դրամի փոխանցման անհնարինության դեպքում Դեպոզիտարիան այդ մասին Փոխանցողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագություն ուղարկելու միջոցով ծանուցում է Փոխանցողին և ապահովում է, որ մինչև տվյալ օրվա ժամը 18:00-ն Դեպոզիտարիայի դրամի առևտրային հաշվին փոխանցված գումարը փոխանցվի Փոխանցողի դրամի հաշվին:

14'.12.2. Դադարեցնում է Փոխանցողի արժեթղթերի արգելադրումը (առկայության դեպքում) և դրանք փոխանցում է Ստացողի արժեթղթերի անձնական հաշվին:

14'.13. Վերջնահաշվարկը կատարելուց հետո 30 րոպեի ընթացքում Դեպոզիտարիան Փոխանցողին և Ստացողին տրամադրում է ռեեստրից քաղվածք կամ գործառնության մասին տեղեկանք սույն կանոնակարգով սահմանված կարգով:

14'.14. Այն դեպքում, երբ Դեպոզիտարիան ընդունել է և/կամ համարել է կատարման ենթակա Փոխանցողի կողմից ներկայացված՝ սույն գլխի 14'.5. կետով սահմանված համապատասխան հանձնարարականը մինչև տվյալ աշխատանքային օրվա ժամը 15:00-ն, իսկ Ստացողը չի ներկայացրել սույն գլխի 14'.6. կետով սահմանված բոլոր հանձնարարականները կամ Դեպոզիտարիան չի համարել դրանք ընդունված կամ համադրման ենթակա մինչև տվյալ աշխատանքային օրվա ժամը 15:00-ն, ապա Դեպոզիտարիան դադարեցնում արժեթղթերի արգելադրումը և այդ մասին Փոխանցողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագություն ուղարկելու միջոցով ծանուցում է Փոխանցողին մինչև տվյալ աշխատանքային օրվա ժամը 16:00-ն, ինչը համարվում է պատշաճ ծանուցում: Արդյունքում Դեպոզիտարիան տվյալ աշխատանքային օրը «Առաքում վճարման դիմաց» սկզբունքով արժեթղթերի փոխանցման գրառում չի կատարում ռեեստրում:

14'.15. Այն դեպքում, երբ Դեպոզիտարիան ընդունել է և/կամ համարել է

համադրման ենթակա Ստացողի կողմից ներկայացված՝ սույն գլխի 14'.6. կետով սահմանված համապատասխան բոլոր հանձնարարականները մինչև տվյալ աշխատանքային օրվա ժամը 15:00-ն, իսկ Փոխանցողը չի ներկայացրել սույն գլխի 14'.5. կետով սահմանված հանձնարարականը կամ Դեպոզիտարիան այն չի համարել ընդունված կամ համադրման ենթակա սույն գլխով սահմանված դրույթներին համաձայն մինչև տվյալ աշխատանքային օրվա ժամը 15:00-ն, ապա Դեպոզիտարիան իր դրամի առևտրային հաշվին փոխանցված գումարը հետ է փոխանցում Ստացողի՝ սույն գլխի 14'.2.3. կետով ներկայացված տեղեկություններում նշված դրամի հաշվին և այդ մասին Ստացողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագրություն ուղարկելու միջոցով ծանուցում է Ստացողին մինչև տվյալ աշխատանքային օրվա ժամը 16:00-ն, ինչը համարվում է պատշաճ ծանուցում: Արդյունքում Դեպոզիտարիան տվյալ աշխատանքային օրը «Առաքում վճարման դիմաց» սկզբունքով արժեթղթերի փոխանցման գրառում չի կատարում ռեեստրում:

14'.16. Այն դեպքում, երբ մինչև «Առաքում վճարման դիմաց» սկզբունքով արժեթղթերի փոխանցման մասին ռեեստրում վերջնական գրառումների կատարման պահը Դեպոզիտարիան պետական իրավասու մարմինների կողմից ստացել է արգելանք դնելու կամ սնանկության մասին համապատասխան որոշում կամ հավաստի տեղեկություն, ապա Դեպոզիտարիան մերժում է համապատասխան Փոխանցողի և Ստացողի կողմից ներկայացված համապատասխան բոլոր հանձնարարականների կատարումը, դադարեցնում է արժեթղթերի արգելադրումը (առկայության դեպքում) և Դեպոզիտարիայի դրամի առևտրային հաշվին փոխանցված գումարը (առկայության դեպքում) հետ է փոխանցում Ստացողի՝ սույն գլխի 14'.2.3. կետով ներկայացված տեղեկություններում նշված դրամի հաշվի համարին և այդ մասին մինչև տվյալ աշխատանքային օրվա ժամը 16:00-ն Փոխանցողի և Ստացողի էլեկտրոնային հասցեին (իրավասու էլեկտրոնային հասցեին՝ առկայության դեպքում) համապատասխան հաղորդագրություն ուղարկելու միջոցով ծանուցում է համապատասխանաբար Փոխանցողին և Ստացողին, ինչը համարվում է պատշաճ ծանուցում:

14'.17. Սույն գլխով սահմանված հանձնարարականների և դրան կից կամ այլ փաստաթղթերի ընդունման, մշակման, կատարման կամ մերժման ներքին ընթացակարգի վրա չեն տարածվում սույն կանոնակարգի 10.2. և 10.3. կետերով սահմանված գործառնությունների իրականացումը: Սույն գլխով սահմանված հանձնարարականների և դրան կից կամ այլ փաստաթղթերի ընդունման, մշակման, կատարման կամ մերժման ներքին ընթացակարգը սահմանվում է Դեպոզիտարիայի գործադիր մարմնի համապատասխան որոշման/հրամանի հիման վրա:

4. «Կենտրոնացված ռեեստրի վարման և պահառության կանոնակարգ»-ի 23.5. կետի «23.6 կետով» բառերից հետո լրացնել «և 14'-րդ գլխով» բառերը:
5. «Կենտրոնացված ռեեստրի վարման և պահառության կանոնակարգ»-ի 24.8. կետի «24.9. կետով» բառերից հետո լրացնել «և 14'-րդ գլխով» բառերը:
6. «Կենտրոնացված ռեեստրի վարման և պահառության կանոնակարգ»-ի 33-րդ գլուխը խմբագրել հետևյալ նոր բովանդակությամբ.

**«Գլուխ 33. Ծանուցում թողարկողին արժեթղթերի շարժի մասին (արժեթղթերի փոխանցման հանձնարարագրերի և գրավի հիմքով արգելադրման վերաբերյալ).**

33.1. Սույն գլխով նախատեսված ծառայությունը (այսուհետ սույն գլխում՝ Ծանուցման ծառայություն) մատուցվում է թողարկողին:

33.2. Ծանուցման ծառայության իմաստով արժեթղթերի փոխանցման գրանցում է համարվում Դեպոզիտարիայում բացված թողարկողի, գրանցված սեփականատիրոջ (անվանատիրոջ) անձնական հաշվում արժեթղթերի փոխանցման արդյունքում գրառումների կատարումը, բացառությամբ «ՆԱՍԴԱՔ ՕԷՄԷՔՍ Արմենիա» ԲԲԸ-ի կողմից կազմակերպվող շուկաներում կնքված գործարքների վերջնահաշվարկի արդյունքում գրանցված սեփականատիրոջ (անվանատիրոջ) անձնական հաշվում գրառումների կատարման դեպքերի, ինչպես նաև դատարանի և/կամ ԴԱՀ-ի որոշումների հիման վրա արժեթղթերի փոխանցման գրառումների կատարման դեպքերի:

33.3. Ծանուցման ծառայությունը չի տարածվում թողարկողի այն արժեթղթերով գործառնությունների մասին ծանուցման վրա, որոնք կարող են գրանցվել Դեպոզիտարիայում որպես անվանատեր (բացառությամբ օտարերկրյա անվանատիրոջ) հանդես եկող պահառուի ներքին հաշվառման համակարգում:

33.4. Ծանուցման ծառայությանը դիմելիս Դեպոզիտարիան ծանուցում է նաև գրավի հիմքով արգելադրված կամ արգելադրվող բաժնետոմսերի քվեարկելու իրավունքի սահմանափակման և այդ սահմանափակման դադարեցման մասին ռեեստրում գրառում կատարելու դեպքերում:

33.5. Ծանուցման ծառայությունից օգտվելու նպատակով թողարկողը Դեպոզիտարիա է ներկայացնում հետևյալ փաստաթղթերը.

33.5.1. Համապատասխան գրավոր դիմում ուղղված Դեպոզիտարիայի գործադիր մարմնի ղեկավարին՝ նշելով Ծանուցման ծառայությունից օգտվելու ցանկության մասին, իր փաստացի գտնվելու վայրի մասին տեղեկությունները, իրավասու էլեկտրոնային հասցեն (առկայության դեպքում), անհրաժեշտության դեպքում նաև էլեկտրոնային հասցեն, ուր Դեպոզիտարիան պետք է փոխանցի սույն կանոնակարգի Հավելված 11-ով

սահմանված ծանուցագիրը (այսուհետ սույն գլխում՝ Ծանուցագիր) , ինչպես նաև գրավոր համաձայնություն Ծանուցման ծառայության մատուցման՝ սույն գլխով սահմանված կանոններին տեղեկացված լինելու մասին,  
33.5.2.Դեպոզիտարիայի «Սակագների մասին կանոններ»-ով սահմանված համապատասխան վճարի կատարումը հավաստող փաստաթուղթ:

33.6.Թողարկողը պարտավորվում է սույն գլխի 33.5. կետով սահմանված տեղեկությունների (այդ թվում էլեկտրոնային հասցեի) փոփոխման յուրաքանչյուր դեպքում մեկ աշխատաքային օրվա ընթացքում այդ մասին հայտնել Դեպոզիտարիային վերջինիս կանոններով սահմանված կարգով:

33.7. Դեպոզիտարիան սույն գլխի 33.5. կետով սահմանված փաստաթղթերը, տեղեկությունները ստանալու հաջորդ աշխատանքային օրվանից պարտավորվում է դիմումի համաձայն տվյալ թողարկողի կողմից թողարկված արժեթղթերի՝ սույն գլխով սահմանված փոխանցման, գրավի հիմքով արգելադրման, բաժնետոմսերի քվեարկության իրավունքի սահմանափակման, ինչպես նաև դրանց դադարեցման նպատակով Դեպոզիտարիայի կանոններով սահմանված և ներկայացված հանձնարարագրի կատարման արդյունքում ռեեստրում գրառումներ կատարելու վերաբերյալ ծանուցել թողարկողին:

33.8. Թողարկողը ծանուցվում է Դեպոզիտարիայի կողմից պատվիրված նամակով կամ թողարկողի պահանջով ծանուցագրերը կարող են փոխանցվել միայն էլեկտրոնային եղանակով, թողարկողի էլեկտրոնային փոստի հասցեին (իրավասու էլեկտրոնային հասցեին՝ առկայության դեպքում) ուղարկելու միջոցով, ինչը համարվում է պատշաճ ծանուցում: Դեպոզիտարիայի կողմից էլեկտրոնային եղանակով ծանուցման նպատակով սույն գլխի 33.5. կետով սահմանված փաստաթղթերի ներկայացման օրը թողարկողին գրավոր տրամադրվում է Դեպոզիտարիայի էլեկտրոնային հասցեի (այդ թվում իրավասու էլեկտրոնային հասցեի) մասին տեղեկություններ:

33.9.Ծանուցագրի ձևը սահմանված է սույն կանոնակարգի հավելված 11-ով և ներառում է հետևյալ հիմնական տեղեկությունները.

33.9.1.թողարկողի մասին.

33.9.1.1.անվանումը

33.9.1.2.փաստացի գտնվելու վայրը

33.9.1.3.հեռախոս (առկայության դեպքում)

33.9.1.4.էլեկտրոնային հասցե (առկայության դեպքում)

33.9.2.հանձնարարագիրը տվողի.

33.9.2.1. անունը, ազգանունը (անվանումը) և նշում արժեթղթերի սեփականատեր, անվանատեր, համասեփականատեր կամ թողարկող լինելու վերաբերյալ.

33.9.2.2.անձը հաստատող փաստաթղթի տեսակը, համարը և

սերիան ֆիզիկական անձի դեպքում, պետական գրանցման կամ դրան համարժեք այլ վկայականի սերիան (առկայության դեպքում) և համարը իրավաբանական անձի դեպքում.

33.9.3. հանձնարարագրի առարկա արժեթղթերի մասին.

33.9.3.1. արժեթղթերի դասը/տեսակը.

33.9.3.2. արժեթղթերի տարբերակիչ ծածկագիրը (առկայության դեպքում).

33.9.3.3. արժեթղթերի քանակը.

33.9.3.4. արժեթղթերի գործառնության գրանցման տեսակը և հիմքը.

33.9.3.5. նշում բաժնետոմսերի քվեարկության իրավունքի սահմանափակման մասին (բաժնետոմսերի քվեարկության իրավունքի սահմանափակման դեպքում).

33.9.3.6. արժեթղթի միավորի գինը (առկայության դեպքում) և գործառնության ծավալը:

33.9.4. այն անձի վերաբերյալ, որի անձնական հաշվին փոխանցվել կամ ում օգտին գրավադրվել (գրավադրման հիմքով արգելադրվել) են արժեթղթերը.

33.9.4.1. անունը, ազգանունը (անվանումը) և նշում արժեթղթերի սեփականատեր կամ անվանատեր լինելու վերաբերյալ.

33.9.4.2. անձը հաստատող փաստաթղթի տեսակը, համարը և սերիան ֆիզիկական անձի դեպքում, պետական գրանցման վկայականի սերիան (առկայության դեպքում) և համարը՝ իրավաբանական անձի դեպքում:»

33.10. Սույն գլխով սահմանված Ծառայության մատուցման ներքին ընթացակարգի վրա չեն տարածվում սույն կանոնակարգի 10.2. և 10.3. կետերով սահմանված գործառնությունների իրականացումը: Սույն գլխով սահմանված Ծառայության մատուցման ներքին ընթացակարգը սահմանվում է Դեպոզիտարիայի գործադիր մարմնի համապատասխան որոշման/հրամանի հիման վրա:

7. «Կենտրոնացված ռեեստրի վարման և պահառության կանոնակարգ»-ի Հավելված 9-ից հետո լրացնել նոր «Հավելված 10» և «Հավելված 11» հետևյալ բովանդակությամբ.

«Հավելված 10.

Արժեթղթերի փոխանցման/ստացման հանձնարարական										Ձև ԱՎԴ			
Արժեթղթի տարբերակիչ ծածկագիրը (առկայության դեպքում)													
Արժեթղթերի թողարկողի անվանումը (լրացնել արժեթղթի տարբերակիչ ծածկագրի բացակայության դեպքում)													
Արժեթղթերի դասը/տեսակը (լրացնել արժեթղթի տարբերակիչ ծածկագրի բացակայության դեպքում)													
Արժեթղթերի քանակը (թվերով)													
Արժեթղթեր փոխանցողի արժեթղթերի՝ Դեպոզիտարիայում բացված հաշվի համարը													
Արժեթղթեր ստացողի արժեթղթերի՝ Դեպոզիտարիայում բացված հաշվի համարը													
Գործարքի գումարը արտահայտված ՀՀ դրամով (թվերով)													
Հանձնարարականը տվողի կարգավիճակը	<input type="checkbox"/> Արժեթղթեր փոխանցող						<input type="checkbox"/> Արժեթղթեր ստացող						

<b>Ստորագրություն</b> (լրացնել այն դեպքում, երբ հանձնարարականը Դեպոզիտարիա է ներկայացվել թղթային եղանակով)		
Անվանում (իրավաբանական անձնաց դեպքում)		Կ.Տ. (առկայության դեպքում)
Ազգանուն, Անուն		
Ստորագրություն		
Ամսաթիվ (օր/ամիս/տարի)		
<b>Ստորագրությունը վավերացված է՝</b> (լրացնել այն դեպքում, երբ հանձնարարականը ստորագրվել է Դեպոզիտարիայի ներկայացուցչի բացակայությամբ և Դեպոզիտարիա է ներկայացվել թղթային եղանակով): <input type="checkbox"/> արժեթղթերի շուկայի մասնագիտացված մասնակցի կողմից <input type="checkbox"/> նոտարի կողմից		
Անվանում		Կ.Տ.
Ազգանուն, Անուն		
Պաշտոն		
Ստորագրություն		
Ամսաթիվ (օր/ամիս/տարի)		



8. Անցումային դրույթներ

Սույն փոփոխությունները և լրացումները հանդիսանում են «Կենտրոնացված ռեեստր վարման և պահառության կանոնակարգ»-ի անբաժանելի մասը և ուժի մեջ են մտնում ՀՀ օրենսդրությամբ սահմանված կարգով:

Հաստատված է՝

«Հայաստանի կենտրոնական դեպոզիտարիա» ԲԲԸ

Դիտորդ խորհրդի 14.10.2011թ.

որոշմամբ

Վ. Ստեփանյան

ք. Երևան